



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXXVIII. Sicut Ecclesia, sic Judex controversiarum fidei, visibilis esse
debet.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

ad Constantium Augustum: Memento, neminem hereticum esse, qui se non secundum Scripturas prædicare ea, quibus blasphemat, meminatur. Et S. Augustinus epist. 222. Omnes heretici, qui Scripturas in autoritate requirunt, ipsas sibi videntur sectari, cum suis positionibus solent errores; ac per hoc, non quod eas contemnant, sed quod non intelligant, heretici sunt.

484 Quam ob causam non intelligunt? Quia privatum spiritum, & judicium suum sequuntur, non communem Ecclesiae sensum, nec traditionem. Ita utique de causa, deque perversa ista radice, omnes hactenùs heretici pullularunt, atque etiam nū pululant.

485 Fingunt quidem Scripturam per omnia claram esse prædestinatis; solis reprobus obscuram. Sed inaniter. Tum quia in contrarium sunt Scriptura testimonia suprà relata, ipsisque contradicunt Hieronymus, Augustinus, &c. quos reprobos asserere non possunt; Scripturas tamen sibi obscuras attestantur. Tum quia si solis prædestinatis clarae sunt, omnibus hominibus obscura sunt. Cum omnibus incertum sit & obscurum, quinam in particulari sint prædestinati.

486 Objiciunt quidem sequentia testimonia Psalm. 118. *Lucerna pedibus meis verbum tuum Domine. Psal. 18. Preceptum Domini lucidum, illuminans oculos.*

Sed frustra: neque enim ista de tota Scriptura dicuntur. Nec amplius significant, nisi quod Scriptura, rite intellecta, lucerna sit, quam viæ, & operationes hominis rectè diriguntur.

C A P U T XXXVIII.

Sicut Ecclesia, sic Judex controversiarum fideli, visibilis esse debet.

487 V eram Christi Ecclesiam visibilem esse debere, hoc sensu quod ex signis notisque externis à nobis cognoscibilis sit, Scriptura ipsa testatur, quæ ipsam comparat monti, areæ, soli, lucernæ in candelabro positæ, civitati supra montem posita, &c. Non potest autem abscondi civitas supra montem posita. Matth. 3. Unde Chrysostomus homil. 4. in cap. 6. Ifa. *Facilius est solem extingui, quam Ecclesiam obscurari.* Et Augustinus de unit. Eccles. c. 16. *Non est opera Ecclesias, quia non est sub modo, sed super candelabrum, ut luceat omnibus qui in domo sunt.* Et de illa dictum est: „Non potest civitas abscondi supra montem posita.„ Sed Donatistus (Lutheranus, Calvinistis) velut opera est: qui audiunt tam lucida testimonia, quæ illam toto Orbe demonstrant; & malunt clausis oculis offendere in montem, quam eum ascendere. Et tract. 2. in epist. Joan. *Quid amplius dicturus sum, quam cacos esse, qui tam magnum*

Tom. II.

montem non viderint, qui contra lucernam in candelabro positam oculos claudunt.

Et ratio prima est, quia Ecclesia est cœta hominum, qui non nisi externis visibilibus signis colligantur, secundum illud Augustini l. 19. contra Faust. c. 11. In nullum nomen religionis coagulati homines posse sunt, nisi aliquo signaculum, vel sacramentorum visibilium consortio colligantur. Secunda:

quia omnes homines tenentur veram Christi Ecclesiam intrare. Eam vero intraire minime possunt, nisi cognoscant. Veram ergo Ecclesiam oportet hoc sensu cognoscibilem esse, ut ex visibilibus signis ab hominibus certò cognosci possit. Tertia: homines tenentur Ecclesiam audire, tique denuntiare non audientes fraternalm correptionem, Matth. 18. Ad hoc autem necesse est Ecclesiam cognoscere.

Objiciunt quidem heretici 1º. *Non venit regnum Dei (id est Ecclesia) cum observatione, neque dicens: ecce hic, aut ecce illic. Ecce enim regnum Dei intra vos est,* Luc. 17. 2º. Ecclesia 1. Petri 2. vocatur *domus spiritualis.* Non ergo visibilis. 3º. Ecclesiam esse, est articulus fidei. Igitur Ecclesia non videtur, sed creditur.

Sed ad primum respondeo per regnum 490 Dei ibi non intelligi Ecclesiam, sed regnum quo Christus in gloria venturus est judicare vivos & mortuos; quod non venit cum prænitione temporis, quo futurum est. Quia de die illo, vel horâ nemo scit. Vel per regnum Dei illud intelligitur, quo Christus post finale judicium regnaturus est cum omnibus sanctis. De cuius tempore Christus, ab Apostolis interrogatus, respondit: *Non est vestram nosse tempora, vel momenta, que Pater posuit in sua potestate.* Quod tamen regnum catenùs intra nos est, quantum in nobis Christus interim regnat per gratiam suam, per quam illud gloria regnum promereri possumus. Velenique Pharisæi interrogantibus Salvator responderet, *regnum Dei, seu Regem cœli Messiam non venire cum illa observatione, cum qua ipsum Pharisæi expectabant; qui utique existimabant Messiam venturum in regio splendore & apparatu, quo sensu Christus dixit: Regnum meum non est de hoc mundo. Ecce enim (inquit) regnum Dei, id est Messias, intra vos est, id est in medio vestri, id est in regione vestra, absque regia pompa & fastu.*

Ad secundum respondeo, Ecclesiam esse 491 domum spiritualem, non entitativem, sed quatenus ad spiritualia ordinatur, & interior forma ipsius (fides, spes, charitas) est spiritualis.

Ad tertium respondeo in Ecclesia esse alii 492 quid quod videtur, cœtum utique fidelium, fideique confessionem, ac professionem, Sacra menta denique, quibus cœtus ille colligatur: esse etiam aliquid quod creditur, interiori utique Ecclesiae fidem, quæ non videtur.

X